

唐詩紀

T5237.47/4831(7)



HARVARD-YENCHING LIBRARY  
HARVARD UNIVERSITY  
2 DIVINITY AVENUE

Gift of Hart

SEP 12 1983



初唐第六

唐詩紀六

哈爾濱大學哈爾濱  
圖書館珍藏印

滁陽方一元彙編

嘉興方湛重訂

李百藥

本傳云字重規定州人隋內史令德林

徐陵文者云刈瑯琊之稻並不識其事百藥

進曰傳稱邠人藉稻注云邠國在瑯琊開陽

又等驚異之貞觀六年召拜中書舍人歷太

子左庶子宗正卿封安平縣子卒諡曰康百

藥以名臣子才行相繼四海名流莫不宗仰  
藻思沈鬱尤長於五言詩樵童牧豎並皆吟  
諷太宗嘗製帝京篇命百藥並作既上詔曰  
卿何身老而才之壯齒宿而意之新乎有集

卷三十



少年行

少年飛翠蓋上路勒一作動金鑣始酌文君酒新吹

弄玉簫少年不歡樂何以盡芳朝千金笑裏向一

擲掌一作抱中腰挂纓一作冠豈憚宿落珥一作迎拜不勝

嬌寄語少年子無辭歸路遙

渡漢江

東流既泝泝南紀信滔滔水激沈碑岸波駭弄珠

臯含星映淺石浮蓋下奔濤溜濶霞光近川長曉

氣高檣鳥轉輕翼戲鳥落風毛客心既多事長

且代勞

秋晚登古城

日落征途遠悵然臨古城積墉寒雀集荒堞晚

驚蕭森灌木上迢遞孤煙生霞景煥餘照露氣澄

晚清秋風轉搖落此志安可平

途中述懷

伯喈遷塞北亭伯之遼東伊余何為客獨守雲臺

中途遙已日暮時泰道斯窮拔心悲岸草半死落

巖桐目送衡陽鴈情傷江上楓福兮良所伏今也



詩經 補唐卷之六  
信難通丈夫自有志寧傷官不公

郢城懷古

客心悲暮序登墉瞰平陸  
林澤宵芊綿山川鬱重  
複王公資設險名都拒江隩  
方城次北門溟海窮  
南服長策挫吳豕雄圖競周鹿  
萬乘重沮漳九鼎  
輕伊穀大蒐雲夢掩壯觀  
章華築人世更盛衰言  
凶良倚伏遽見鄰交斷仍覩  
賢臣逐南風忽不覩  
西師日侵蹙運圯屬驅馳時屯  
恣敲朴莫救夷  
火無復秦庭哭鄢郢遂丘墟  
風塵俄慘黷狐

池平袖臺層宇覆

一作曲

池平袖臺層宇覆

障雲埋夏首窮陰慘荒谷  
悵矣舟壑遷悲哉年祀  
倏雖異三春望終傷千里目

晚渡江津

寂寂江山晚蒼蒼原野暮  
秋氣懷易悲長波淼難  
泝索索風葉下離離早鴻度  
丘壑列夕陰葭菼凝  
寒霧日落亭臯遠獨此懷歸慕

王師渡漢水經襄陽

導漾疏源遠歸海會流長  
延波接荆夢通望邇沮



漳高岸沈碑影曲激麗珠光雲昏翠島沒水廣素  
濤揚閩川已多歎遐睎幾增傷臨谿猶駐馬望峴  
欲沾裳喬木下寒葉亭林落曉霜山公不可遇誰  
與訪高陽

謁漢高廟

綦堯靈命啟滅楚餘閏一作閏餘終飛名膺帝籙沈迹  
韞神功瑞氣朝浮碣祥符夜告豐抑揚駕人傑叱  
咤掩時雄締構三靈改經綸五緯同干戈革宇內  
堂教盡寰中運謝年逾遠魂歸道未窮樹碑留故

宮沐蘭祈泗上一作祀謁帝動深衷英

威肅如在文物杳成空竹皮聚寒徑粉社落霜叢  
蕭索陰雲晚長川起大風

登葉縣故城謁沈諸梁廟

總轡臨秋原登城望寒日煙霞共掩映林野俱蕭  
瑟楚塞鬱不窮吳山高漸出客行殊未已沐浴期  
終吉椒桂奠芳樽風雲下虛室館宇肅而靜神心  
康且逸伊我非真龍勿驚疲朽質

安德山池宴集



詩經  
禮唐卷之六  
四  
朝宰論思暇高宴臨方塘雲飛鳳臺管風動令君  
香細草開金埒流霞泛羽觴虹橋分水態鏡石引  
菱光上才同振藻小伎謬連章懷音自蘭室徐步  
返山莊

和侍郎遊昆明池

祥池望不極滄波接遠天儀星似河漢落景類虞  
泉年深平館宇道泰偃戈船差池下鳧鴈掩映生  
雲煙浪花開已合風文直且連稅馬金堤外橫舟  
石岸  
羽觴傾綠蟻飛日落紅鮮積水浮深智明  
珠曜雅篇大鯨方遠擊沈灰獨未然知君嘯僊侶  
短翮徒聯翩

賦得魏都

炎運精華歇清都寶命開帝里三方盛王庭萬國  
來玄武䟽遙墜金鳳上層臺乍進仙童藥時傾避  
暑杯南館招奇士西園引上才還惜劉公幹疲病  
清漳隈

賦禮記

玉帛資王會郊丘叶聖情重廣開環堵至道軼金



言終  
禮唐卷之六  
五  
羸盤薄依厚地遙裔騰太清方悅升中禮足以慰  
餘生

奉和正日臨朝應詔

化曆昭唐典承天順夏正百靈警朝禁一作軒籞三辰

揚旆旌充庭富禮樂高讌齒簪纓獻壽符萬歲移  
風韻九成

妾薄命

團扇秋風起長門夜月明羞聞拊背入恨說舞腰  
輕太常先已醉劉君恒帶醒橫陳每虛設吉莩

何成

火鳳詞二首

歌聲扇後出粧影鏡一作扇中輕未能令掩笑何處

欲障聲知音自不惑得念是分明莫見雙嚙斂疑  
人含笑情

佳人靚晚粧清唱動蘭房影出一作入含風扇聲飛

照日梁嬌嚙眉際斂逸韻口中香自有橫陳會一作

分應憐秋夜長此首一作謝  
偃新曲非

奉和初春出遊應令

詩記

初唐卷之六

六



鳴笳出望苑飛蓋下芝田水光浮落照霞彩淡輕  
煙柳色迎三月梅花隔二年日斜歸騎動餘興滿  
山川

寄楊公

公子盛西京光華早著名分庭接遊士虛館待時  
英高閣浮香出長廊寶釧鳴面花無隔笑歌扇不  
障聲

戲贈潘徐城門迎兩新婦

秦晉稱舊匹潘徐有世親三星宿已會四德姁而  
流雲光鬢裏薄月影扇中新年華與妝面共作一

芳春

送別

春言一杯酒悽愴起離憂夜花飄露氣暗水急還  
流鴈行遙上月蟲聲迴映秋明日河梁上誰與論  
仙舟

雨後

晚來風景麗晴初物色華薄雲向空盡輕虹逐望  
斜後窓臨岸竹前階枕浦沙寂寥無與晤樽酒論



風花

文德皇后挽歌

裴徊兩儀殿，悵望九成臺。玉輦終辭宴，瑤筐遂不開。野曠陰風積，川長思鳥來。寒山寂已暮，虞殯有餘哀。

詠蟬

清心自飲露，哀響乍吟風。未上華冠側，先驚翳葉中。

詠螢火示情人

行  
異憐燈暗，塔前畏月明。不辭逢露濕，祇為重

春眺

疲痾荷拙患，淪躋合幽襟。栖息在何處，丘中素鳴

琴

許敬宗

本傳云敬宗字延族杭州新城人武德初召補秦府學士貞觀中封高陽縣男拜太子右庶子檢校中書侍郎至龍朔中為右相册拜太子少師多誣構事

奉和執契靜三邊應詔

玄塞隔陰戎，朱光分昧谷。地游窮北際，雲崖盡西



陸星次絕軒臺風衢乖禹服寰區無所外天覆今  
 咸育竄苗猶有孽戮負自貽辜疎網妖鯢漏盤藪  
 怪禽通髯飛尚假息乳視暫稽誅乾靈振玉弩神  
 略運璇樞日羽廓遊氣天陣清華野昇垣光西夜  
 馳恩溢東瀉揮袂靜崑炎開關納流赭錦輶凌右  
 地華纓羈大夏清臺映羅葉玄止控瑤池賦一作  
 尾輪珍貺樹羽饗來儀輟節觀化宇栖籞萃條支  
 無風交闕闕就日泛濛漪充庭延飲至絢簡勳  
 迎姜已創圖命方方論道昔託遊河乘再

詔欣逢德化流思效登封草

奉和行經破薛舉戰地應制

混元分六象長策挫脩鯨於斯建宸極由此創鴻  
 名一戎乾宇泰千祀德流一作清垂衣凝庶績端  
 拱鑄羣生復整瑤池駕還臨官渡營周游尋曩跡  
 曠望動天情帷宮面丹浦帳殿矚宛城虜場棲九  
 德前歌被六英戰地甘泉涌陣處景雲生普天沾  
 凱澤相携欣頌平

奉和入潼關



詩經  
禮唐卷之六  
九  
犧馭循黃道星陳引翠旗濟潼紆萬乘臨河耀六  
師前旌彌陸海後騎發通伊勢踰迴地軸威盛轉  
天機是節歲窮紀關樹蕩涼颶仙露含靈掌瑞鼎  
照川湄冲襟賞臨睨高詠入京畿

奉和春日望海

韓夷憊奉賚憑險亂天常乃神弘廟略橫海剪吞  
航電一作雷野清玄菟騰笳振白狼連雲飛巨艦編  
石架浮梁周游臨大壑降望極遐荒桃門通山抃  
蓬渚降霓裳驚濤含蜃闕駭浪掩晨光青丘絢春

細丹谷耀華桑長驅七萃卒成功百戰場俄且旋  
戎路飲至肅巖廊

奉和元日應制

天正開初節日觀上重輪百靈滋景祚萬玉一作土  
慶惟新待旦敷玄造韜旒御紫宸武帳臨光宅文  
衛象鈎陳廣庭揚九奏大帛麗三辰發生同化育  
播物體陶鈎霜空澄曉氣霞景瑩一作榮芳春德輝  
覃率土相賀奉還淳

奉和初春登樓卽日應詔



旭日臨重壁天眷極中京奉暉發芳甸佳氣滿層  
城去鳥隨看沒來雲逐望生歌裏非煙颺琴上凱  
風清文波浮鏤檻摘景煥雕楹璇璣體寬政隆棟  
象端衡創規雖有作疑拱遂無營沐恩空改鬢將  
何謝夏成

奉和秋日即目應制

玉露交珠網金風度綺錢昆明秋景淡岐岫落霞  
然辭燕歸寒海來鴻出遠天葉動羅帷颺花映  
衣鮮規空昇閣魄籠野散輕煙鵲度林光起

衣鮮規空昇閣魄籠野散輕煙鵲度林光起  
衣鮮規空昇閣魄籠野散輕煙鵲度林光起  
衣鮮規空昇閣魄籠野散輕煙鵲度林光起

奉和秋暮言志應制

秋深桂初發寒牕菊餘菲波擁羣鳥至秋飄朔鴈  
歸月莢生還落雲枝似復非疑宸閱栖畝觀文佇  
少微聖敬韜前哲先天諒不違

奉和喜雪應制

嶷州表奇貺一作觀闕竹應遐巡何如御京洛流霞  
下天津忽若瓊林曙俄同李徑春姑峰映仙質郢



路雜歌塵伏檻觀花瑞稱觴慶冬積飄河共瀉銀  
委樹還重壁連山分掩翠綿霄遠韜碧千里徧浮  
空五軻咸淪跡機前輝裂素池上伴凌波騰華承  
玉宇凝照混金娥是日松筠性欣奉柏梁歌

奉和登陝州城樓應制

挹河激綠宇御溝映朱宮辰旂翻麗景星蓋一作  
曳雕虹學嘖齊柳嫩妍笑發春藜錦鱗文碧浪繡  
羽絢青空眷念三階靜遐想二南風

遊清都觀尋沈道士

得清字

幽人踏箕頽方士訪蓬瀛豈若逢真氣齊契體  
名既詮衆妙理聊暢遠遊情縱心馳且闕怡神  
玉京或命餘杭酒時聽洛濱笙風衢通閬苑星使  
下層城蕙帳晨飈動芝房夕露清方叶棲遲趣於  
此聽鐘聲

奉和七夕宴玄圃應制二首

牛閨臨淺漢鸞駟涉秋河兩懷縈別緒一宿慶停  
梭星模鈿裏曆月寫黛中蛾柰許今宵度長嬰離  
恨多



言終  
卷之六  
十三  
妾閨期今夕娥輪泛淺潢迎秋伴暮雨待暝合神  
光薦寢低雲鬢呈態解霓裳喜中愁漏促別後怨  
大長

奉和儀鸞殿早秋應制

層想追嘉豫臨軒御早秋斜暉麗粉壁清吹肅朱  
樓高殿凝陰滿雕牕艷曲流小臣參廣宴大造諒

難酬

奉和詠雨應詔

商初赴節滿燕  
迎秋飄絲交殿網亂滴起池

漉激溜分龍闕斜飛灑鳥樓崇朝方浹寓宸盼  
凝旒

奉和過慈恩寺應制

鳳闕隣金地龍旂拂寶臺雲楣將葉並風牖送花  
來月宮清晚桂虹梁絢早梅梵境留宸矚揆發麗  
天才

冬日宴于庶子宅各賦一字得歸

倦游嗟落拓短翮慕追飛周醪忽同醉牙絃乃共  
揮油雲澹寒色落景靄霜霏累日方投分茲夕諒



無歸

送劉散員同賦得陳思王詩山樹鬱蒼蒼  
喬木託危岫積翠繞連岡葉疎猶漏影花少未流  
芳風來聞肅肅霧罷見蒼蒼此中餞行邁不異上  
河梁

侍宴莎冊宮應制得情字

三星希曙景萬騎翊天行葆羽翻風隊騰吹掩山  
溼暖日晨光淺飛煙日彩輕塞寒桃變色冰斷箭  
流聲漸奏長安道神臯動睿情

奉和過舊宅應制

飛雲臨紫極出震表青光自爾家寰海今茲返  
鄉情深感代國樂甚讌譙方白水浮佳氣黃星  
太常岐鳳鳴層閣豐崔賀雕梁桂山猶總翠蘅薄  
尚流芳攀鱗有遺皓沐德抃稱觴

奉和宴中山應制

飛雲旋碧海解網宥青丘養賢一作更一作停八駿觀風  
駐五牛張樂臨堯野揚麾歷舜州中山獻仙醕趙  
媛發清謳塞門朱鴈入郊藪紫麟遊一舉氛霓靜



詩經  
卷之六  
十齡德化流

奉和聖製登三臺言志應制

中天表雲榭載極聳崑樓聖作規玄造軒阿復聿  
修高門符令節形勝總神州企翼搏禽萃飛薨燕  
雀遊綬星羅白拱緣漢轉三休日雲生玉舄初月  
上銀鈎妙管含秦鳳仙姿麗斗牛形言防處逸粹  
潔發嘉猷荷生無以謝盡瘁竟何酬

安德山池宴集

風里歡娛地園林矚望新山庭帶芳杜歌吹叶陽

春臺樹疑巫峽荷蕖似洛濱風花縈少女虹梁  
美人宴遊窮至樂談笑畢良辰獨歎高陽晚歸  
不知津

奉和聖製送來濟應詔

萬乘騰鑣警岐路百壺供帳餞離宮御溝分水聲  
難絕廣宴當歌曲易終興言共傷千里道俯跡聊  
示五情同良哉既深留帝念沃化方有贊天聰

七夕賦詠成篇

一年抱怨嗟長別七夕含態始言歸飄飄羅襪光



天步灼灼新妝鑒月輝情催巧笑開星靨不惜呈  
露解雲衣所歎却隨更漏盡掩泣還弄昨宵機

擬江令於長安歸揚州九日賦

本逐征鴻去還隨落葉來菊花應未滿請待詩

開

初唐第六

唐詩紀七

唐詩紀七

滁陽方一元

海寧方天眷重訂

王績

隱逸傳云字無功絳州人文中子通弟也

少與李播呂才交善育末為六合丞非其所好棄官還鄉里嘗躬耕東臯著書號東臯

子或經過酒肆動經數日往往題壁作詩多為好事者諷詠所著有五斗先生傳醉鄉記

無心子傳臨終自剋死日預為墓誌有文集五卷○呂才為正無功集序畧云君河中有

渚田十數頃又有隱十仲長子光服食養性君遂結廬河渚貞觀中京井杜之倫清河崔

善為相繼為刺史皆召之君曰柰何坐召君



古意六首

幽人在何所紫巖有仙躅月下橫寶琴此外將安  
欲材抽嶧山榦微點崑丘玉漆抱蛟龍脣絲纏鳳  
凰足前彈廣陵罷後以明光續百金買一聲千金  
傳一曲世無鍾子期誰知心所屬

竹生大夏谿蒼蒼富奇質綠葉吟風勁翠莖犯霄  
密霜霰封其柯鵲鸞食其實寧知軒轅後更有伶  
倫出刀斧俄見尋根株坐相失裁爲十二管吹作  
正雌律有用雖自傷無心復招疾不如山上草誰

終古

寶龜尺二寸由來宅深水浮遊五湖內宛轉三江  
裏何不深復深輕然至溱洧溱洧源流狹春秋不  
濡軌漁人遞往還網罟相縈囁一朝失運會剗腸  
血流死豐骨輸廟堂鮮腴藉邊簋棄置誰怨尤自  
我招此否餘靈寄明卜復來欽所履

松生北巖下由來人徑絕布葉捎雲煙插根擁巖  
穴自言生得地獨負凌雲潔何時畏斤斧幾度經  
霜雪風驚西北枝電隕東南節不知歲月久稍覺



詩經  
新唐卷之七  
枝幹折藤蘿上下碎枝幹縱橫裂行當糜爛盡坐  
共灰塵滅寧關匠石顧豈爲王孫折盛衰自有時  
聖賢未嘗屑寄言悠悠者無爲嗟大耋  
桂樹何蒼蒼秋來花更芳自言歲寒性不知露與  
霜幽人重其德徙植臨前堂連拳八九樹偃蹇二  
三行枝枝自相糾葉葉還相當去來雙鴻鵠栖息  
兩鴛鴦榮蔭誠不厚斤斧亦勿傷赤心許君時此  
意那可忘

鳳欲將歸提羅出郊訪羅張大澤已鳳入重雲

鳳朝栖峴閨木夕飲蓬壺張問鳳那遠飛賢君

相望鳳言荷深德微禽安足尚但使雛卵全無人  
霜繳放皇臣力牧舉帝樂簫韶暢自有來巢時明  
年阿閣上

石竹詠

萋萋結綠枝擘擘垂朱英常恐零露降不得全其  
主歎息聊自思此生豈我情昔我未生時誰者令  
我萌棄置勿重陳委化何足驚

田家三首

一作王勃詩



阮籍生年懶稽康意氣踈相逢一醉飽獨坐數行  
書小池聊養鶴間田且牧豬草生元亮徑花暗子  
雲居倚牀看婦織登壠課兒鋤迴頭尋仙事併是  
一空虛

家住箕山下門枕潁川濱不知今有漢唯言昔避  
秦琴伴前庭月酒勸後園春自得中林士何忝上  
皇人

平生唯酒樂作性不能無朝朝訪鄉里夜夜遣人  
歸家貧留客久不暇道精麤抽簾持益炬拔

屬如相聞飲不足何見有殘壺

贈李徵君大壽

林澤辭散騎陸昶謝中郎幅巾朝帝罷杖策去官  
惟附車還趙郡乘船向武昌九徵書未已十辟譽  
滿彰副君迎綺季天子送嚴光灞陵幽徑近磻谿  
隱路長編蓬還作室績草更爲裳會稽置樵處蘭  
陵賣藥行看書惟道德開教止農桑別有幽懷侶  
由來高讓王前年辭厚幣今歲返寒鄉有書橫石  
架無壇坐土牀蘭英猶足釀竹實本無糧澗松寒



言終  
初唐卷之七  
四  
轉直山菊秋自香管寧存祭禮王霸重朝章去去  
相隨去披裘驕盛唐

山中敘志

物外知何事山中無所有風鳴靜夜琴月照芳春  
何直置百年內誰論千載後張奉鳳一作娉賢妻老  
來藉嘉偶孟光儻未嫁梁鴻正須婦

贈梁公

欲圖世樂斯樂難可常位大招譏嫌祿極生禍  
聖莫若周公忠豈踰霍光成王已興誚宣帝如

范蠡何智哉單舟戒輕裝疏廣豈不懷  
還故鄉朱門雖足悅赤族亦可傷履霜成堅冰知  
足勝不祥我今窮家子自言此見長功成皆能退  
自古誰滅亡

薛記室收過莊見尋率題古意以贈

伊昔遭喪亂曆數閏

一作適

當餘豺狼塞衢路桑梓

成丘墟吾及爾皆亡東西各異居爾為背風鳥我  
為涸轍魚逮承雲雷後欣逢天地初東川聊下釣  
南畝試揮鋤資稅幸不及伏臘常有儲散誕時須



酒蕭條懶向書朽木不可雕短翮將焉據故人有  
 深契過我蓬蒿廬曳裾出門迎握手登前除相看  
 非舊顏忽若一作形骸踈追道宿昔事切切心相  
 於憶我少年時携手遊東渠梅李夾兩岸花枝何  
 扶疏同志亦不多西莊有姚徐嘗愛陶淵明酌醴  
 焚枯魚嘗學公孫弘策杖牧羣豬追念甫如昨奄  
 忽成空虛人生詎能幾感迫常不舒賴有北山僧  
 教我以真如使我視聽遣自覺塵累祛何事須空  
 蹄今已得免魚舊遊儻多暇同此釋紛拏

晚年敘志示翟處士正師

弱齡暮奇調無事不兼修望氣登重閣占星上小  
 樓明經思待詔學劍覓封侯棄繻煩北上懷刺幾  
 西遊中年逢喪亂非復昔追求失路青門隱藏名  
 白社遊風雲私所愛屠博暗為儔解紛曾霸越釋  
 難頗存周晚歲聊長想生涯太若浮歸來南畝上  
 更坐北谿頭古岸多磐石春泉足細流東隅誠已  
 謝西景懼難收無謂退耕近伏念已經秋庚桑逢  
 處跪陶潛見人羞三晨寧舉火五月鎮披裘自有



言宗  
初唐卷之七  
六  
居常樂誰知身世憂

春日

前旦出園遊林華都未有今朝下堂望一作池水

開已久雪避一作南軒梅風催北庭柳遙呼竈前

妾却報機中婦年光恰恰來滿甕管春酒

採藥

野情貪藥餌郊居倦蓬葦青龍護道符白犬遊仙

術腰鑿戊巳月負鍾庚辛日時時斷嶂遮一作往

徑孤峰出行披葛仙經坐檢農皇帙龜蛇採二苓

亦曰尋雙木地凍根難盡藜枯苗易失從容肉

名薯蕷膏成質家豐松葉酒器貯參花蜜且復歸

去來刀圭輔衰疾

在京思故園見鄉人問

旅泊多年歲老去不知迴忽逢門前客道發故鄉

來斂眉俱握手破涕共銜杯殷勤訪朋舊屈曲問

童孩衰宗多弟姪若個賞池臺舊園今在否新樹

也應栽柳行疎密布茅齋寬窄栽經移何處竹別

種幾株梅渠當無絕水石計總生苔院果誰先熟



詩經  
卷之七  
林花那後開  
羈心祇欲問  
爲報不須猜  
行當驅下  
澤去剪故園菜

春桂問荅二首

問春桂桃李正芬華  
年光隨處滿何事獨無花  
春桂荅春華詎能久  
風霜搖落時獨秀君知不

北山

舊知山裏絕氛埃  
登高日暮心悠哉  
子平一去何時返  
仲叔長遊遂不來  
幽蘭獨夜清琴曲  
桂樹凌雲濁酒杯  
槁項同枯木丹心等死灰

野望

夏臯薄暮望徙倚  
欲何依樹樹皆秋

一作春色山山

唯落暉牧人驅犢返  
獵馬帶禽歸相顧無相識  
長歌懷采薇

贈程處士

百年長擾擾萬事悉悠悠  
日光隨意落河水任情流  
禮樂囚姬旦詩書縛孔丘  
不如高枕枕一作時取醉消愁

九月九日



野人迷節候端坐隔塵埃忽見黃花吐方知素節  
回映巖千段發臨浦萬株開香氣徒盈把無人送  
酒來

獨坐

問君樽酒外獨坐更何須有客談名理無人索地  
租三男婚今族五女嫁賢夫百年隨分了未羨陟  
方壺

遊仙四首

曾出東坡路過訪北巖前蔡經新學道王烈舊

仙駕鶴來無日乘龍去幾年三山銀作地八洞玉  
爲大金精飛欲盡石髓溜應堅自悲生世促無暇  
待桑田

上月芝蘭徑中巖紫翠房金壺新練乳玉釜始煎  
香六局黃公術三門赤帝方吹沙聊作鳥動石試  
爲羊緱氏還程促瀛洲會日長誰知北巖下延首  
詠霓裳

結衣尋野路負杖入山門道士言無宅仙人更有  
村斜谿橫桂渚小徑入桃源玉牀塵稍冷金爐火



尚温心疑遊北極望似陟西崑逆愁歸舊里蕭條  
訪子孫

真經知那是仙骨定何爲許邁心長切稽康命似  
奇桑疎金闕迴苔重石梁危照水然犀角遊山費  
虎皮鴨桃聞已種龍竹未經騎爲向天仙道棲遑  
君詎知

### 策杖尋隱士

策杖尋隱士行行路漸賒石梁橫澗斷土室映山  
斜孝然縱一作疑有舍威輦遂無家置酒燒枯葉披

書坐落花新垂滋水釣舊結茂陵且歲歲長如此  
方知輕世華

### 贈學仙者

採藥層城遠尋師海路賒玉壺橫日月金闕斷煙  
霞仙人何處在道士未還家誰知彭澤意更覓一作  
道一作邪步兵那一作邪春釀煎松葉秋杯浸菊花相逢寧  
可醉定不學丹砂

### 黃頰山

別有青谿道斜日碧巖隈崩榛橫古蔓荒石擁寒



言終  
不居卷之七  
苦野心長寂寞山徑本幽迴步步攀藤上朝朝負  
藥來幾看松葉秀頻值菊花開無人堪作伴歲晚  
獨悠哉

入長安詠秋蓬示辛學士

遇坎聊知止逢風或一作忽未歸孤根何處斷輕葉  
強能飛

過酒家五首

一作題  
酒店壁

洛陽無大宅長安乏主人黃金銷未盡祇爲酒家  
貧

長昏飲非關養性靈眼看人盡醉何忍獨

醉  
竹葉連糟翠蒲萄帶麴紅相逢不令盡別後爲誰

空

對酒但知飲逢人莫強牽倚壚便得睡橫甕足堪  
眠

有客須教飲無錢可別沽來時長道賁慚愧酒家

胡

一作  
壺

夜還東谿



石苔應可踐叢枝幸易攀青谿歸路直乘月夜歌  
還

山中別李處士

爲向東谿道人來路漸賒山中春酒熟何處得停  
家

初春

春來日漸長醉客喜年光稍覺池亭好偏宜酒甕  
香

醉後

阮籍醒時少陶潛醉日多百年何足度乘興且  
歌

題酒店壁

昨夜銜始盡今朝甕卽開夢中占夢罷還向酒家  
來

戲題酒鋪壁

日逐劉伶去宵隨畢卓眠不應長賣卜須得杖頭  
錢

嘗春酒



野觴浮鄭酌山酒漉陶巾但令千日醉何惜兩三春

獨酌

在

一作浮

生知幾日無狀逐空名不如多釀酒時向

竹林傾

秋夜喜遇王處士

北場芸藿罷東臯刈黍歸相逢秋月滿更值夜螢飛

山夜調琴

長成華宗盛文史連牆富池亭獨子園最古舊木  
間新垌柳行隨堤勢茅齋看地形竹從去年秋不  
是今年榮渠水經夏響石苔終歲青院果早晚熟  
林花先後明語罷相歎息浩然起深情歸哉且五  
斗餉子東臯耕

蒼王無功冬夜載酒鄉館



在... 生知... 無狀... 逐空... 名不... 如多... 釀酒... 時向

半... 東... 皐... 赫

林... 芥... 夫... 郊... 即... 晴... 銷... 味... 燠... 息... 昔... 然... 味... 彩... 澗... 醴... 苴... 且... 正  
是... 今... 半... 榮... 柔... 木... 滋... 夏... 馨... 心... 苦... 絲... 嫩... 青... 梨... 果... 早... 熟... 蒸  
開... 讓... 賦... 賦... 下... 割... 豕... 獲... 莫... 齋... 音... 此... 沃... 竹... 外... 去... 辛... 年... 不...  
其... 如... 華... 宗... 皇... 文... 史... 聖... 賢... 富... 貴... 享... 壽... 子... 園... 景... 古... 善... 矣

促軫乘明月抽絃對白雲從來山水韻不使俗人聞

看釀酒

六月調神麴正朝汲美泉從來作春酒未省不經年

崔善為

具州人武德中歷尚書左丞頗事聽察曹吏嘲之卒於秦州刺史見紀事

荅王無功冬夜載酒鄉館

頌條忝貴郡懸榻久相望處士同楊鄭邦君謝李  
疆詎知方擁篲逢子敬惟桑明朝蓬戶側會自謁



任棠

荅王無功九日

秋來菊花氣深山客重尋露葉疑涵玉風花似散  
金摘來還泛酒獨坐即徐斟王弘貪自醉無復  
楊林

朱仲晦

荅王無功思故園見鄉人問

我從銅州來見子上京客問我故鄉事慰子歸  
色子問我所知我對子應識朋遊總強健童

初唐第八

唐詩紀八

滌陽方一元彙編

海寧方天眷重訂

上官儀

本傳云字游韶陝州人家於江都初為沙門服工文詞貞觀初舉進士授弘文

館直學士遷秘書郎太宗雅好屬文每遣儀視草多令繼和凡有宴集儀嘗與焉高宗立進西臺侍郎工於五言詩以綺錯婉媚為本儀既貴顯人多倣之謂上官體儀頗恃才任勢故為當代所嫉許敬宗構坐梁王忠事下獄死有集三十卷

奉和過舊宅應制

石關清晚夏璇輿御早秋神麾颺珠雨仙吹響飛



言終  
流沛水祥雲泛苑郊瑞氣浮大風迎一作疑漢筑藜  
煙入舜球翠梧臨鳳邸滋蘭帶鶴舟偃伯歌玄化  
扈蹕頌王遊遺箴謬昭獎珥筆荷恩休

早春桂林殿應詔

步輦出披香清歌臨太液曉樹流鶯滿春堤芳草  
積風色一作光翻露文雪華上空碧花蝶來未已山  
光曖將夕

安德山池宴集

上路抵平津後堂羅薦陳締交開狎賞麗席展

辰密樹風煙積迴塘荷芰新雨霽虹橋晚花落  
臺春翠釵低舞席文杏散歌塵方惜流觴滿夕鳥  
已城闈

酬薛舍人萬年宮晚景寓直懷友

奕奕九成臺窈窕絕塵埃蒼蒼萬年樹玲瓏下冥  
霧池色搖晚空巖光一作花斂餘煦清切丹禁靜浩

蕩文河注留連窮勝託風一作風期揆善譖東望安

仁省西臨子雲閣長嘯披煙霞高步尋蘭若金狄  
掩通門雕鞍歸騎喧燕姝對明月荆豔促芳樽別



有青山路策杖訪王孫

奉和潁川公秋夜

次寥空色遠芸黃淒序變涸浦落遵鴻長飈送巢  
燕千秋流夕景萬籟含宵喚峻雉聆金柝層臺切  
銀箭

謝都督挽歌

漠漠佳城幽蒼蒼松檟暮曾幕飄欲卷宛駟悲還

顧楚挽

一作

繞廬山胡笳臨武庫悵然郊原靜

生歸鳥度

八詠應制二首

啓重帷重帷照文杏翡翠藻輕花流蘇媚浮影瑤  
笙燕始歸金堂露初晞風隨少女至虹共美人歸  
羅薦已擘鴛鴦被綺衣復有蒲萄帶殘紅豔粉映  
簾中戲蝶流鶯聚窓外洛濱春雪迴巫峽暮雲來  
雪花飄玉輦雲光上壁臺共待新粧出清歌送落

梅

入叢臺叢臺裊春露滴瀝間深紅參差散輕素粧

疑作粉蝶驚復聚黃鸝飛且顧攀折殊未已復值驚

詩已

初唐卷之八

三



飛起送影舞衫前飄香歌扇裏望望惜春暉行行  
猶未歸暫得佳遊趣更愁花鳥稀且鳥聲調鳳  
管方移花影入鴛機

和太尉戲贈高陽公

薰爐御史出神仙雲鞍羽蓋下芝田紅塵正起浮  
橋路青樓遙敞御溝前傾城比態芳菲節絕世相  
嬌是六年慣是洛濱要解珮本自河間好數錢翠  
釵照曜銜雲髮玉步逶迤動羅袜石榴絞帶輕花  
轉桃枝綠扇微風發無情拂袂欲畱賓詎恨

不可越天津一別九秋長豈若隨聞三日香南國  
自然勝掌上東家復是憶王昌

王昭君

玉關春色晚金河路幾千琴悲桂條上笛怨柳花  
前霧掩臨粧月風驚入鬢蟬絨一作書待迴使淚

盡白雲

一作南天

詠雪應詔

禁園凝朔氣瑞雪掩晨曦花明棲鳳閣珠散影娥  
池飄素迎歌上翻光向舞移幸因千里映還繞萬



年枝

紀事云儀應詔詩中用影娥池學士無解其事者令狐德棻召張柬之等十餘人示此詩

東之對曰洞冥記云漢武帝於望鶴臺西起俯月臺臺下穿池每登臺眺月影入池中使宮人乘舟

笑弄月影因名影娥池德棻歎其博識

### 奉和山夜臨秋

殿帳清炎氣輦道合秋陰  
淒風移漢筑流水入虞琴  
雲飛送斷鴈月上淨疎林  
滴瀝露枝響空濛煙壑深

### 江王太妃挽歌

黃鶴悲歌絕椒花清頌餘  
埃凝寫鄰鏡網結和扉

魚銀消風燭盡珠滅夜輪虛  
別有南陵路幽叢叢臨葉疎

### 故北平公挽歌

木落園林曠庭虛風露寒  
北里清音絕南陔芳草殘  
遠氣猶標劍浮雲尚寫冠  
寂寂琴臺晚秋陰入井榦

一作翰非

### 高密長公主挽歌

湘渚韜靈跡娥臺靜瑞音  
鳳逐清簫遠鸞隨幽鏡沈  
霜處華英一作落風前銀燭侵  
寂寞平陽宅月



冷洞房深

詠畫障

芳晨麗日桃花浦珠簾翠帳鳳凰樓蔡女菱歌移  
錦纜燕姬春望上瓊鈎新妝漏影浮輕扇冶袖飄  
香入淺流未減行雨一作雲荆臺下自比凌波洛浦  
遊

奉和秋日即目應制

上苑通平樂神池邇建章樓臺相掩映城闕互相  
望緹油泛行幔簫吹轉浮梁晚雲含朔氣斜照

秋光落葉飄蟬影平流寫鴈行槿散凌風縹荷銷  
裊露香仙歌臨杵詣玄豫歷長楊歸路乘明月千  
門開未央

入朝洛堤步月

古今詩話儀嘗凌晨入朝循洛水堤步月徐  
轡詠詩云云音韻清亮羣公望之猶神仙焉

秋 脈脈廣川流驅馬歷長洲鵲飛山月曙蟬噪野風

春日 紀事作元  
萬頃詩

花輕蝶亂仙人杏葉密鶯啼一作喧帝女桑飛雲閣



詩經 禮記卷之八 九  
上春應至明月樓中夜未央

從駕閭山詠馬

桂香塵處滅練影月前空定惑由關吏徒嗟塞上

翁

李義府

本傳云其先瀛州人後家于永泰貞觀中除太子舍人與來濟俱以文翰見知時稱來李永徽中拜中書侍郎封廣平縣男與人語必嬉怡微笑而褊忌陰賊時人言其笑中有刀又以柔而害物亦謂之李貓顯慶中為中書令進封河間郡公後揚行穎表言罪狀流死雋州史論言義府才思精密所謂猩猩能言

在雋州遙敘封禪

天齊標巨鎮日觀啓崇期岩堯臨渤澥隱嶙控溘

沂

一作涓

眺迴分吳乘凌高屬漢祠建岳誠為長升

功諒在茲帝猷符廣運玄範暢文思飛聲總地絡

騰

一作裁

化撫乾維瑞策開珍鳳禎圖薦寶龜創封

超昔夏修禪掩前姬東后方肆覲西都導六師肅

返

一作

駕移星苑揚罕馭風司沸鼓喧平陸凝蹕靜

通達汶陽馳月羽蒙陰警電麾

一作輪

崑花飄曙夢

峯葉蕩春旗石閭環藻衛金壇映黼帷仙階溢秘

柜靈檢耀祥芝張樂分韶濩觀禮縱華夷佳氣浮



丹谷榮光泛綠坻三始貽遐祝萬歲受重釐菲質  
陶恩獎趨迹奉軒墀觸網淪幽裔乘徼限明時周  
南昔已歎邛西今復愁

招諭有懷贈同行人

遠遊冒艱阻深入勞存諭春去辭國門秋還在邊  
戍軒車行未返節序催難駐陌上悲轉蓬園中想  
芳樹蜀山自紛糾岷水恒奔注臨泛多苦懷登攀  
寡歡趣永夕飛滂雨崇朝蒸毒霧不求綏嶺挑  
美邛鄉蒟白狼行欲靜驄馬何常驅願接朝旂

聯翩東北驚

和邊城秋氣早

金微凝素節玉律應清葭邊馬秋聲急征鴻曉  
斜關樹凋涼葉塞草落寒花霧暗長川景雲昏大  
漠沙谿深路難越川平望超忽極望斷煙飄遙落  
驚蓬沒霜結龍城吹水照龜林月日色夏猶冷  
華春未歇睿作高紫宸分明映玄闕

詠鸚鵡

牽弋辭重海觸網去層巒戢翼離籠際延思彩霞



端慕侶朝聲切離羣夜影寒能言殊可貴相助憶  
長安

宣正殿芝草

明王敦孝感寶殿秀靈芝之色帶朝陽淨光涵雨露  
滋且標宣德重更引國恩施聖祚今無限微臣樂  
未移

堂堂詞二首

鏤月成

一作爲

歌扇裁雲作舞衣自憐迴雪影好取

洛川歸

唐新語云義府嘗賦詩云鏤月成歌扇裁雲作舞衣自憐迴雪影來時好取

川歸謂之活剝張昌齡生吞郭正一紀事云義府嘗賦詩曰鏤月爲歌扇裁雲作舞衣自憐迴雪影好取洛川歸有棗強尉張懷慶好偷竊名士文章乃爲詩曰生情鏤月爲歌扇出性裁雲作舞衣照鏡自憐迴雪影來時好取洛川歸時人爲之語曰活剝張昌齡生吞郭正一

懶整鴛鴦被羞褰玳瑁牀春風別有意密處也尋

香

詠烏

紀事云義府初遇以李大亮劉洎之薦太宗召令詠烏云云帝曰與卿全樹何止一枝

日裏颺朝彩琴中伴夜啼上林如許樹不憐一枝

栖



閻立本

唐新語云太宗嘗與侍臣汎舟春苑池中有異鳥隨波容與太宗擊賞數四詔坐者為詠召閻立本寫圖時立本為王爵郎中

巫山高

見蜀志一作閻復本詩

君不見巫山高高半天起絕壁千尋盡相似君不見巫山磕匝翠屏開湘江碧水遶山來綠樹春嬌明月峽紅花朝覆白雲臺臺上朝雲無定所此中窈窕神仙女仙女盈盈仙骨飛清容出沒有光輝欲暮高唐行雨送今宵定入荆王夢荆王夢裏愛穠華枕席初開紅帳遮可憐欲曉啼猿處說道及

山是妾家

張文琮

貝州人後徙家魏州貞觀中為持書侍御史卒兄弟文瓘傳

同潘屯田冬日早朝

假寐懷古人夙興瞻曉月通晨禁門啓冠蓋趨朝謁霜靄清九衢霞光照雙闕紛綸文物紀煥爛聲明發腰劍動陸離鳴玉和清越

詠水

標名資上善流派表靈長地圖羅四瀆天文載五



詩經  
補遺卷之二  
潢方流涵玉潤圓折動珠光獨有蒙園吏棲偃翫  
濠梁

賦橋

造舟浮渭日鞭石表秦初星旻遙瀉漢虹勢尚凌  
虛已授文成履空題武騎書別有臨濠上棲偃獨  
觀魚

蜀道難

梁山鎮地險積石阻雲端深谷下寥廓層巖上鬱  
盤飛梁架絕嶺棧道接一作危巒攬轡獨長息

知斯路難

昭君怨

戒途飛萬里迴首望三秦忽見天山雪還疑上苑  
春玉痕垂粉淚羅袂拂胡塵爲得胡中曲還悲遠  
嫁人

和楊舍人詠中書省花樹

花萼映芳叢參差間早紅因風時落砌雜雨乍浮  
空影照鳳池水香飄雞樹風豈不愛攀折希君懷  
袖中



張文收

武城人文琮從父弟善音律貞觀初授協律郎制景雲河清樂咸亨中遷太子率更令卒所撰新樂書十二卷

### 大酺樂

淚滴珠難盡容殘玉易銷倘隨明月去莫道夢魂

遙

薛元超

本傳云汾陰人收子也九歲襲爵汾陰男及長好學善屬文貞觀中累授太子舍人預撰晉書高宗時拜中書令加金紫致仕卒有文集四十卷元超好引寒俊時論稱美○紀事云上元初政出武氏因陽暗乞骸骨歸卒

### 奉和同太子監守違戀

儲禁銅扉啓宸行玉輅

一作輶遙空懷壽街吏尚隔

寢門朝地首瞻龍戟塵外

一作空中想鸞一作鳳鏢飛

映仙榜瀝思叶神飈帝念紆蒼壁

一作陛乾文煥

紫霄歸

一作雲塘橫碧海平圍振詞條欲應重輪曲

鏘洋韻九韶

平圍見山海經槐江之陽寔惟帝之平圍

李敬玄

本傳云亳州人博覽羣書特善五禮高宗在東宮馬周薦之召入崇賢館侍讀累遷吏部尚書拜中書令儀鳳中吐蕃入寇劉仁軌奏敬玄宜鎮守西邊帝強遣之由是大敗遭貶所撰禮論六十卷正論三卷文集三十卷

### 奉和別魯王



綠車旋楚服丹蹕佇秦川珠臯轉歸騎金岸引行  
旃一朝限原隰千里間風煙鶯喧上林谷鳧響御  
溝泉斷雲移魯蓋離歌動舜絃別念凝神展崇恩  
洽玳筵顧惟慙叩寂徒自仰鈞天

奉和別越王

飛蓋迴蘭坂宸襟佇栢梁別館分涇渭歸路指衡  
漳關山通曙色林籟徧春光帝念紆千里詞波照  
五潢

張大安

公謹之子。上元中同知政事。童懷太子。今與劉訥言等同注。范曄漢書太子。

兼普州刺史。終橫州司馬。

奉和別越王

盛藩資右戚連萼重皇情雜襟愴睢苑分途指鄴  
城麗日開芳甸佳氣積神京何時駿駕入還見謁  
承明

牛鳳及

長壽中撰唐書斷自武德終于弘道爲百有十卷。劉勰與馬植論史官書云

文皇帝受命有若魏鄭公揚仁卿牛鳳及

奉和受圖溫洛應制

八神扶

一作承

玉輦六羽警瑤谿戒道伊川北通津



一作 旌 澗水西御圖開洛賈刻石與天齊瑞日波中  
上仙禽霧裏低微臣矯弱翮抃舞接鸞鷲

賀朝清

賦得遊人久不歸

一作劉孝孫詩非

鄉關眇天末引領悵懷歸羈旅久滯滯物色屢芳  
非稍覺出意盡行看蓬鬢稀如何千里外佇立霑  
裳衣

初唐第八

初唐第九

滁陽方一元彙編

嘉興方 湛重訂

王勃

文苑傳云字子安絳州龍門人文中子通孫也六歲解屬文與兄劼勳才藻相類杜

易簡稱之曰此王氏三珠樹也勃年未及冠應舉及第沛王賢聞其名召為沛府脩撰戲

為檄英王雞文高宗覽之怒曰此是交構之漸出補號州參軍父福時坐勃故左遷交趾

令勃往省父渡南海墮水卒初李敬玄稱勃與楊炯盧照隣駱賓王必當顯貴裴行儉曰

勃等雖有才而浮躁淺露豈享爵祿楊炯述靜應至今長餘得令終為幸果如其言

事云勃為文先磨墨數升引被覆面而卧忽起書之初不加點時謂腹藁

寺已

初唐卷之九



四言古詩

倬彼我系

勃兄勵序

倬彼我系舍弟號州參軍勃所作也傷迫乎家  
貧道未成而受祿不得如古之君子四十強而  
仕也故本其情性原其事業因陳先人之迹以  
議出處致天爵之艱難也

倬彼我系出自有周分疆錫社派別枝流居衛仕  
宋匡羸相劉廼武廼文或公或侯晉曆崩圻衣冠  
擾弊粵自太原播徂江澨禮喪賢隱時屯道閉

字燬生人多殪伊我有器思逢其主自東旋涉  
擇木開宇田彼河曲家乎汾浦天未厭亂吾將誰  
輔伊我祖德思濟九埏不常厥所于茲五遷欲及  
時也夫豈願焉其位雖屈其言則傳爰述帝制大  
蒐王道曰天曰人是祖是考禮樂咸若詩書具草  
貽厥孫謀永爲家寶伊余小子信慙明哲彼網有  
條彼車有轍思屏人事克終前烈于嗟代網卒余  
來緲來緲伊何謂余曰仕我瞻先達三十方起夫  
豈不懷高山仰止願言毓德啜菽飲水有烏反哺



其聲嗷嗷言念舊德憂心忉忉今我不養歲月其  
滔匏俛從役豈敢告勞從役伊何薄求卑位告勞  
伊何來參卿事名存實爽負信愆義靜言遐思中  
心是愧

五言古詩

上巳浮江宴韻得陟字

披觀玉京路駐賞金臺陟逸興懷九仙良辰傾四  
美松吟白雲際桂馥清谿裏別有江海一作心  
暮情何已

春日宴樂遊園賦韻得接字

帝里寒光盡神臯春望浹梅郊落晚英柳甸驚初  
葉流水抽奇弄崩雲灑芳牒清尊湛不空暫喜平  
生接

山亭夜宴

桂宇幽襟積松臺涼夜永森沈野逕寒肅穆巖扉  
靜竹晦南阿一作河色荷翻北潭影清興殊未闌一作

歸林端照初景

詠風



肅肅涼風一作景生加我林壑清驅煙尋磻戶卷霧  
出山楹去來固無跡動息如有情日落山水靜為  
君起松聲

懷仙并序

客有自幽山來者啓予以林壑之事而煙霞在  
焉思解纓紱永詠山水神與道超跡為形滯故  
書其事焉

鶴岑有奇徑麟洲富仙家紫泉漱珠液玄巖列丹  
葩常希披塵網眇然登雲車鸞情極霄漢鳳

煙霞道存蓬瀛近意愜朝市賒無為坐惆悵虛

江上華

忽夢遊僊

僕本江上客牽跡在方內寤寐霄漢間居然有靈  
對翕爾登霞首依然躡雲背電策驅龍光煙途  
鸞態乘月披金帔連星解瓊珮浮識俄易歸真遊  
一作魂邈難再寥廓沈遐想周遑奉遺誨流俗非我  
鄉何當釋塵昧

七言古詩



滕王閣

勃父為交趾令勃往省父道出洪都都督關伯嶼宴集滕王閣命之序蓋宿命其婿預成將舉屬客必讓而及焉勃適至不辭下筆立就末成四韻

滕王高閣臨江渚佩玉鳴鸞罷歌舞畫棟朝飛南浦雲珠簾暮捲西山雨閒雲潭影日悠悠物換星移幾度秋閣中帝子今何在檻外長江空自流

寒夜懷友二首

北山煙霧始茫茫南津霜月正蒼蒼秋深客思紛無已復值征鴻中夜起

複閣重樓向浦開秋風明月度江來故人故情故宴相望相思不相見

長短句

江南弄

江南弄巫山連楚夢行雨一本無行雨字行雲幾相送瑤

軒金谷上春時玉童仙女無見期紫霧香煙眇難託清風明月遙相思遙相思草徒綠為聽雙飛鳳

凰曲

秋夜長



秋夜長殊未央月明露白澄清光層城綺閣遙相  
 望遙相望川無梁北風受節南鴈翔崇蘭委質時  
 菊芳鳴環曳珮履一作出長廊為君秋夜擣衣裳織  
 羅對鳳皇丹綺雙鴛鴦調砧亂杵思自傷思自傷  
 一本無此三字征夫萬里戍他鄉鶴關音信斷龍門道路  
 長君在天一方寒衣徒自香

採蓮曲

一作採蓮歸

採蓮歸綠水芙蓉衣秋風起浪鳧鴈飛桂棹蘭橈  
 下長浦羅裙玉腕輕搖櫓葉嶼花潭極望

越吹相思苦相思苦佳期不可駐塞外征夫猶未  
 還江南採蓮今已暮今已暮採蓮花渠今那必  
 娼家官道城南把桑葉何如江上採蓮花蓮花復  
 蓮花花葉何稠疊葉翠本羞眉花紅強似頰佳人  
 不在茲悵望別離時牽花憐共蒂折藕愛連絲故  
 情無處所新物徒華滋不惜西津交珮解還羞北  
 海鴈書遲採蓮歌有節採蓮夜未歇正逢浩蕩江  
 上風又值徘徊江上月徘徊蓮浦夜相逢吳姬越  
 女何丰茸共問寒光一作千里外征客關山路幾



重

臨高臺

臨高臺高臺迢迢絕浮埃  
 瑤軒綺構何崔嵬鸞歌  
 鳳吹清且哀俯瞰長安道  
 萋萋御溝草斜對甘泉  
 路蒼蒼茂陵樹高臺四望  
 同帝鄉一本無帝鄉二字佳氣  
 鬱葱葱紫閣丹樓紛照耀  
 壁房錦殿相玲瓏東迷  
 長樂觀一作道西指未央宮  
 赤城映朝日綠樹搖春  
 風旗亭百隊開新市甲第  
 千甍分戚里朱輪翠蓋  
 不勝春疊榭層楹相對起  
 復有青樓大道中

文窻雕綺櫳錦衾夜不展羅帷畫

夕一作未空歌

朝揜翠粧鏡晚窺紅爲君  
 開寶髻蛾眉罷花叢  
 間狹路黯將暮雲開月色  
 明如素鴛鴦池上兩兩  
 飛鳳凰樓下雙雙度物色  
 正如此佳期那不顧銀  
 鞍繡轂盛繁華可憐今夜  
 宿娼家娼家少婦不  
 嚮東園桃李片時春君看  
 舊日高臺處柏梁銅雀  
 生黃塵

落花落

落花落落落花紛漠漠  
 綠葉青跗映丹萼與君  
 徘徊



上金閣影拂粧階玳瑁筵香飄舞館茱萸幙落花  
 飛撩亂入中帷落花春正滿春人歸不歸落花度  
 氛氳遶高樹落花春已繁春人春不顧綺閣青臺  
 靜且閒羅袂紅巾復往還盛年不再得高枝難重  
 攀試復旦遊落花裏暮宿落花間與君落花院臺  
 上起雙鬟一作環

雜體

雜曲

肖瓊神女來訪文君蛾眉始約羅裙一作袖初薰歌

齊曲韻舞亂行分若向陽臺薦枕何啻得勝朝雲

五言律詩

銅雀妓二首

金鳳鄰銅雀漳河望鄴城君王無處所臺榭若平  
 生舞席紛何就歌梁儼未傾西陵松檟冷誰見綺

羅情

妾本深宮妓層城閉九重君王歡愛盡歌舞為誰  
 容錦衾不復襲羅衣誰再縫高臺西北望流涕向  
 青松



聖泉宴

并序

玄武山有聖泉焉浸淫歷數百千年乘巖泌湧  
 接磴分流下瞰長江沙堤石岸咸古人遺跡也  
 茲乃青蘋綠芰紫苔蒼蘚遂使江湖思遠寤寐  
 寄託既而崇巒左峻石壑前縈丹嶸萬尋碧潭  
 千頃松風唱響竹露薰空瀟瀟乎人間之難遇  
 也方欲以林壑為天厲琴樽為日用嗟乎古今  
 方深川上之悲少長同遊且盡山陰之樂  
 盍題芳什共寫高情詩得泉字

披襟乘石磴列籍俯春泉  
 蘭氣薰山酌松聲澗野  
 弦影飄垂葉外香度落花前  
 興洽林塘晚重巖起  
 夕煙

尋道觀

其觀即昌利觀而張天師居也

芝廬光分野蓬闕盛規模  
 碧壇清桂闕丹洞肅松  
 樞玉笈三山記金箱五嶽圖  
 蒼虬不可見一作空  
 望白雲衢

散關晨度

關山凌旦開石路無塵埃  
 白馬高譚去青牛真氣



詩紀 卷之九  
來重門臨巨壑連棟起崇隈卽今揚策度非是棄  
繻回

別薛華

送送多窮路遑遑獨問津悲涼千里道悽斷百年  
身心事同漂泊生涯共苦辛無論去與住俱是夢  
中人

重別薛華

明月沈珠浦秋風濯錦川樓臺臨絕岨洲渚且長  
天旅泊成千里棲遑共百年窮途惟有淚還望獨

潸然

遊梵宇二覺寺

香一作杏閣披青磴瑤亭控紫岑葉齊山路狹花  
野壇深蘿幌棲禪影松門聽梵音遽欣陪妙躅  
賞滌煩襟

麻平晚行

百年懷土望千里倦遊情高低尋戍道遠近聽泉  
聲礧葉纔分色山花不辨名羈心何處盡風急暮  
猿清



送盧主簿

窮途非所恨虛室自相依城闕居年滿琴樽俗事  
稀開襟方未已分袂忽多違東巖富松竹歲暮幸  
同歸

餞韋兵曹

征驂臨野次別袂慘江垂川霽浮煙歛山明落照  
移鷹風凋晚葉蟬露泣一作秋枝亭臯分遠望延  
想間雲涯

白下驛餞唐少府

下驛窮交日昌亭旅食年相知何用早懷抱即  
然浦樓低晚照鄉路隔風煙去去如何道長安在  
日邊

杜少府之任蜀州

城闕輔三秦風煙望五津與君離別意同是宦遊  
人海內存知已天涯若比隣無為在岐路兒女共  
傷市

仲春郊外

東園垂柳徑西堰落花津物色連三月風光絕四



詩經 卷之九  
鄰鳥飛村覺曙魚戲水知春初晴山院裏何處染  
罽塵

郊興

空園歌獨酌春日賦閒居澤蘭侵小徑河柳覆長  
渠雨去花光濕風歸葉影踈山人不惜醉唯畏綠  
樽虛

郊園即事

煙霞春日一作早賞松竹故年心斷山疑畫障懸溜  
瀉鳴琴草徧南亭合花濃一作開北院深閒居

賦隨興欲抽簪

觀物跡寺

蓮座神容儼松崖聖趾餘年長金跡淺地爰石文  
踈頽華臨曲磴傾影赴前除共嗟陵谷遠俄視化  
城虛

山居晚眺贈王道士

金壇踈俗宇玉洞侶仙羣花枝棲晚露峯葉度晴  
雲斜照移山影迴沙擁溜一作籀文琴樽方待興竹  
樹已迎曛



八仙逕

寺南又有昌利觀去寺可數里巖逕窈窕杖而後進

柰園欣八正松巖訪九仙援蘿窺霧術攀桂俯雲

阡一作煙

代北鸞驂至遼西鶴騎旋終希脫塵網連

翼下芝田

春日還郊

閑情兼默語

一作默默

攜杖赴巖泉草綠縈新帶榆青

綴古錢魚牀侵岸水鳥路入山煙還題平子賦花

樹滿春田

對酒春園作

投簪下山閣攜酒對河梁狹水牽長鏡高花

香繁鶯歌似曲踈蝶舞成行自然催一醉非但閱

年光

觀內懷仙

玉架殘書隱金壇舊跡迷牽花尋紫洞

一作澗

步葉

下清谿瓊漿猶類乳石髓尚如泥自能成羽翼何

必仰雲梯

秋日別王長史

別路長

一作餘

千里深恩重百年正悲西候日更動



北梁篇野色籠寒霧山光斂暮煙終知難再奉懷  
德自潛然

上巳浮江宴韻得遙字

上巳年光促中川興緒遙綠齊山葉滿紅洩片一作  
岸花銷泉聲喧後澗虹影照前橋遽悲春望遠江  
路積波潮

長柳

晨征犯煙磴夕憩在雲關晚風清近壑新月照澄  
灣郊童樵唱返津叟釣歌還客行無與晤賴此

愁顏

羈遊餞別

客心懸隴路遊子倦一作江干槿豐一作朝  
篠密夜窻寒琴聲銷別恨風景駐離歡寧竟山川  
遠悠悠旅思難

易陽早發

飭裝侵曉月奔策候殘星危閣尋丹嶂迴梁屬翠  
屏雲間迷樹影霧裏失峰形復此涼飈至空山飛  
夜螢



焦岸早行和陸四

侵星違旅館乘月戒征儔  
復嶂迷晴色虛巖辨暗流  
猿吟山漏曉螢散野風秋  
故人渺何際鄉關雲霧浮

深灣夜宿

主人依山帶江

津途臨巨壑村宇架危岑  
堰絕灘聲隱峯交樹影  
深江童暮理楫山女夜調砧  
此時故鄉遠寧知遊子心

傷裴錄事喪子

霜候早松路空

一作夜

臺深魄散珠胎沒芳

沈露文晞宿草煙照慘平林  
芝焚空歎息流恨滿籛金

五言排律

泥谿

弭棹凌奔壑低鞭躡峻岐  
江濤出岸險峯磴入雲  
危溜急船文亂巖斜騎影移  
水煙籠翠渚山照落丹崖  
風生蘋浦葉露泣一作泣  
竹潭枝泛水雖云美  
勞歌誰復知



秋日仙遊觀贈道士

一作駱賓王詩無首四句

石圖分帝宇銀牒洞靈宮迴丹縈岫室複翠上巖  
櫳霧濃金竈靜雲暗玉壇空野花常捧露山葉自  
吟風林泉明月在詩酒故人同待余逢石髓從爾  
命飛鴻

出境遊山二首

源水終無路山阿若有人驅羊先動石走兔欲投  
中洞晚秋泉冷巖朝古樹新峯斜連鳥翅磴疊上  
魚鱗化鶴千齡早元龜六代春浮雲今可駕滄海

自成塵

振翻凌霜吹正月佇天澍爲鑣凌翠壑飛軫控青  
岑巖深靈竈沒澗毀石渠沈宮闕雲間近江山物  
外臨玉壇棲暮夜珠洞結秋陰蕭蕭離俗影擾擾  
望鄉心誰意山遊好屢傷人事侵

三月曲水宴 得煙字

彭澤官初去河陽賦始傳田園歸舊國詩酒間長  
筵列室窺丹洞分樓瞰紫煙縈迴亘津渡出沒控  
郊鄜鳳琴調上客龍轡儼羣仙松石偏宜古藤蘿



不記年重簷交密樹復磴擁危泉抗石晞南嶺乘  
沙眇北川傳巖來築處磻溪入釣前日斜真趣遠  
幽思夢涼蟬

五言絕句

晚屆鳳州

寶雞辭舊域仙鳳歷遺墟去此近城闕青山明月  
初

羈春

客心千里倦春事一朝歸還傷北園裏重見落花

飛

林塘懷友

芳屏畫春草仙杼織朝霞何如山水路對面即飛  
花

山屏夜坐

抱琴開野室携酒對情人林塘花月下別是一家  
春

春莊

山中蘭葉徑城外李桃園直知人事靜不覺鳥聲



喧

春遊

客念紛無極春淚倍成行今朝花樹下不覺戀年  
光

春園

山泉兩處晚花柳一園春還持千日醉共作百年  
人

林泉獨飲

丘壑經塗賞花柳遇時春相逢今不醉物色自

人

登城春望

物外山川近晴初景靄新芳郊花柳徧何處不  
春

他鄉敘興

綴葉歸煙晚乘花落照春邊城琴酒處俱是越鄉  
人

夜興

野煙含夕渚山月照秋林還將中散興來偶步兵



琴

臨江二首

泛泛東流水飛飛北上塵歸驂將別棹俱是倦遊人

去驂嘶別路歸棹隱寒洲江臯木葉下應想故城秋

江亭夜月送別二首

江送巴南水山橫塞北雲津亭秋月夜誰見泣離羣

亂煙籠碧砌飛月向南端寂寂離亭掩江山此夜寒

別人四首

久客逢餘閨他鄉別故人自然堪下淚誰忍望征塵

江上風煙積山幽雲霧多送君南浦外還望將如何

桂輶初不駐蘭筵幸未開林塘風月賞應待故人來



言終  
霜華淨天末霧色籠江際客子常畏人何爲久留  
滯

贈李十四四首

野客思茅宇山人愛竹林琴尊唯待處風月自相  
尋

小徑偏宜草空庭不厭花平生詩與酒自得會仙  
家

亂竹開三逕飛花滿四鄰從來楊子宅別有尚玄  
人

風筵調桂軫月徑引藤杯直當花院裏書齋望曉  
開

早春野望

江曠春潮白山長曉岫青他鄉臨眺

一作極花柳

映邊亭

山中

長江悲已滯萬里念將歸况屬高風晚山山黃葉  
飛

冬郊行望



詩系  
初唐卷之九  
桂密巖花白梨踈林葉紅江皋寒望盡歸念斷征蓬

寒夜思友三首

久別侵懷抱他鄉變容色月下調鳴琴相思此何極

雲間征思斷月下歸愁切鴻鴈西南飛如何故人

別

朝朝翠山下夜夜蒼江曲復此遙相思清樽湛芳

綠

始平晚息

觀闕長安近江山蜀道賒客行朝復夕無處是鄉家

扶風晝屈離京浸遠

帝里金莖去扶風石柱來山川殊未已行路方悠哉

普安建陰題壁

江漢深無極梁岷不可攀山川雲霧裏遊子幾時還



九日重陽節開門有菊花不知來送酒若箇是陶家

九日

七言絕句

秋江送別二首

早是他鄉值早秋江亭明月帶江流已覺逝川傷別念復看津樹隱離舟

歸舟歸騎儼成行江南江北互相望誰謂波瀾幾一水已覺山川是兩鄉

蜀中九日登玄武山旅眺

紀事云玄武山在東蜀勃以檄雞文斥出沛王府既廢客劍南王有遊玄武山詩

九月九日望鄉臺他席他鄉送客杯人今一作已厭南中苦鴻鴈那從北地來

河陽橋代竇郎中佳人答楊中舍

披風聽鳥長河路臨津織女遙相妬判知秋夕帶啼還那及春朝携手度

九日見紀事

蘭氣添新酌花香染別衣闕



帝是親父者匪其手也

郊風舞鳥舞所韻調率繼文豨昧政俾味味之帶

既則辭升竇腹中卦入答魁中舍

邇南中音無飄飛於北此來帶江流已覺逝川

六月六日望際臺於氣於際於容於入今卦

本王麻鴨窺容險南王有涉文左山精  
臨中云文左山并東羅時以謝鏡文礼

麗中六日登支左山恭州



